

海東志

上

邑人李文濃
纂修

海東志敘引

邑人李文濃

翹稽海東一帶在明弘治以前原屬大理之行化鄉也弘治七年以後又歸賓川之西陞也惟此西陞一帶綿亙百里而海東於一帶百里中攬居一帶十里之圖焉東接慈雲西聯洱海金梭迴其南玉案峙其北佛頭街面適當其中點街之三方有田田之四圍有邨或依山而住或靠海而居風氣溫和民性誠樸何莫非樊子民之苗裔古滇洱之僻壤者耶然計其水程也超昆瀾十五里陸行也離縣治百二十餘里故雖叢爾小邦耀然介

於賓洱之間關係匪淺當明之成化十三年五月二十
日自金湫湧出之後上之江焉向之陽焉庄有名焉村
有塔焉暨三曲九溪一場兩甲之人民漸漸成鄰成閭
成邑日躋於繁盛是金湫也十分沟湧溫之居三涼之
居七潭出里許合垂裕水而灌溉惟山多田少厥土赤
壤性乾質燥春宜於豆麥秋宜於白穀他項之穀類槩
糧一無所宜耳所以四百餘戶之衣食百二十石之正
供在在有歉無贏古人於此正不知幾經躊躇迺於高
山平坦之處開墾黎園以補歲需之不足所幸者有渡

口二向陽一塔頭一惟日揚帆鼓柁直達妙香古國售
果歸來僅得免於凍餒以故地限人空在昔之貢庠居
多科甲之出身居少良可慨也方今

國家教育改良一村一小學一鄉一高等將來風氣大
開人材輩出振刷精神一洗十餘邨之積弱舊習而漢
之文里武鄉廉泉讓水不難復見於洱之東矣適我
縣政府飭修縣志以備雲南通志材料而濃也檇櫟為
材忝列責成之中所願我鄉人士趁此良因一致贊襄
將上下古今數百年來之事物盡力而探索之以

為霞志之一助當不負

正副局長成立編修局之美意也予日望之是為序

縣志局編纂

委員

李文濃 華如氏

敘

大中華民國二十一年小陽月上澣之吉

參照榆志凡例以備採擇

一賓川原為州治民國改州為縣故本志沿用其名曰
賓川縣志

一本志以徵集文獻風土為尤重須循名核實準諸公
論考其既往鑒於將來為宗旨

一本志以紀載確實為第一要義如分野灾祥之類未
免涉於虛浮本志概不列入惟地方諸新政事關典
要悉予增入雖編時紀事處於異族時有輕重國仇
所繫實為天下公言

一本志體例略仿雲南通志其標識類別援引名詞參評議於紀載之中附表說於概畧之後兼仿近世著述地圖亦較舊志詳實然綜覈全志精神不外注重鄉土警勵後人其分類誌事結構雖新體例適合

一本志分為天文地理建設食貨社交學校武備祠祀秩官人物藝文雜志合計十二部並分三十二卷各分部部各分綱綱各分目以備觀覽

一本志成帙後經縣知事詳送省公署交輯刻業書處審核呈覆發交旅省同鄉公推總校集合同儕除經

困難編纂因之不易未盡疵謬在所難免尚乞閱者
隨時賜教幸甚

天文部

氣象溫度志

南區三者氣候溫和有賓牛三分之熱較康托所差無幾以其地對點蒼近洱濱蒼雪洱風四時不息少熱多涼瘴除厲禁適居賓屬之溫帶

雨量風向志

洱海風 洱海風勢朝東晚西變向無常清明後雲淡風輕水靜波平船來船往無不如意惟十冬腊月有時南風狂暴浪湧滔天不容船家主張失其帆柁之權力

或一年數見數年一見屍葬江魚殊堪浩嘆古云風伯
好溘應如何設法以避風伯

占雨風 洱東四五月時東風夜起掃淨蒼雲不出三
日必雨俗謂占雨風至南風有聲雨下如注即晴俗又
謂之占晴風故年之旱潦歲之豐歉洱人每據此以為
衡也

雲狀志

洱海雲 洱海七八月浙瀝雨後有黑白雲霧彌縵空
際形如長虹下蟠水面水勢倍湧上接到雲鄉雲水旋

轉團結少頃一股雲水上冲風雷轟轟不絕於耳相傳
雲從龍上天船艇往來須知迴避莫可觸

五彩慈雲 在洱東之慈雲峯下有金湫潭初起峯頭
白色如棉漸結太空變為靉靆四面雲霧映之東風拂
拂不一時大降甘霖農田滿足一至栽種時期人皆引
領望之

洱海狂瀾

世傳蘿荃祖師袈娑能冬溫夏清有一僧

徒以法術駕白玉宮女到蒼頂石洞因隆冬女凍徒壻
騰空而來盜取袈娑蘿荃以金剛子彈落僧徒壓於洱

中石柱之下落後女兒精氣變為烏雲一朵此雲一起
風浪狂暴似有接濟之意故後人呼雲為望夫雲石為
思妻石為船家者每視此雲以定來往

唐時洱河有水怪牛猪形短頭金睛吹波鼓浪不便行
舟一道者向南詔王取金百鎰以為索沉於河中怪即
據於浪穹甯河迄明德時李應捕魚網得金索旋得旋
斷一漁者戒之曰可止矣應貪甚儘曳之驚其怪風浪
徒作應隨舟俱沒

日月華志

洱海月 洱海於民國紀元前三十八年六月十六日
中霄浪靜風憇月明如畫船家轍見金魚玉螺洄泳澤
國鱗甲鮮明同月塘光明照耀水中透露海底是年較
豐水倍漲

雙朏月 當民國二十年陰正月十八九二日夜午洱
之方面羣見東西有月如朏細察之西有三星平階東
月光射之有如雙月東西對照一小時東月漸高西月
沉息二十一年二月十九二十兩日亦然

地理部

疆域位置境界

海東地東過哨房與排營街距陸路三十里西渡洱河
與大理距水程十五里南與海南耆接壤中隔十里北
與挖色冬瓜箐連界中隔二十里又距霞城壹百貳拾
里許

地震 海東前於民國十四年夏曆二月二十二日早
上八點地震到夜半時再震尤猛平地分裂房屋傾圮
其時塵霧遮天火光滿地有呼天地者有呼父母者有
呼妻室兒女者四面痛哭之聲震天動地不絕於耳到

次日保長李文濃不顧身家前往調查計海東男婦大小壓斃者二百三十餘人茅屋瓦房搖倒者四百餘方其餘受傷者不計其數當即調查清白詳報縣府在案蒙 縣長李公樹屏轉詳 上峯分發鉅款賑濟然人繁事重一勺之水難蘇涸轍之鮒嗚呼震灾不息匪灾又來无氣斲喪何日復體願當事者原諒及此

山水志

玉案山 聳立向陽村西北東面嵯峨西面平坦正對榆城故謂玉案唐貞觀時重建文筆塔於南峯頂西山

脚十室小邑名曰文筆甲南山麓蘿荃寺寺之南天鏡
閣風景宜人原屬勝地其山勢自北撲海古稱小普陀
金龜山 在向陽村西一里山南多石窟漁家每在彼捕魚
金梭島 撲於洱中四面迴水其形如梭以此取名中
住漁家三十餘戶南北山頂當日閣羅鳳建有避暑宮
二三月游人渡過島頭觀潮釣魚不一而足現建有三
新太子廟八月二十日設會以彰紀念
飛鳳山 座落名庄三峯合一頂松柏青幽南一里虎
踞山氣勢盤旋後漢南蠻王孟獲曾屯大兵於此當時